

福建通紀

71501

4200

地 310

41

211-90



福建新通志總目

通紀二十卷

天文地理志四卷

山經三十五卷

河渠書十一卷

水利志十卷

物產志十一卷

漁業鹽政雜稅志三卷

船政海軍外交三卷

方言志十二卷

藝文志七十六卷

藝文志附錄四卷

版本志八卷

金石志三十卷

福建新通志總目

漢至五代列傳三卷

宋元列傳十三卷

明列傳十五卷

清列傳八卷

五代至清儒林傳五卷

唐至清文苑傳九卷

宋元清儒行傳四卷

清循吏傳四卷

清孝義傳十二卷

高士傳五卷

列女傳六卷

四五卷續刻

名宦傳酷吏傳滑稽傳伶官傳宦者傳

高僧傳神仙傳八卷

福建通紀
二十卷

李膺



壬戌開雕
于福州

福建通紀卷一

自來方志有表有志有列傳獨不敢用紀若用紀卽僭國史也者然周禮小史掌邦國之志卽國史外史掌四方之志卽方志是史本稱志史特其官耳故周志稱志穆天子傳稱傳呂氏春秋十二紀以紀月令未嘗紀尊而志傳卑也通志之名昉於吾鄉鄭樵氏首列帝紀元張用鼎金陵志本其意創爲通紀一門論方志體例者章學誠氏高澍然氏均躋之良以魯史必稱周禮正月必係周王一書之綱在是而後方數千里之地歷代之廢興治亂不至散無統紀懵然而罔攸知也立通紀

周

顯王三十五年越王無彊伐楚楚威王大敗越殺無彊盡取吳故地越以此散諸族子爭立或爲王或爲君濱於海上後七世至閩君搖竹書紀年史記越世家

案吳越春秋句踐二十七年卒興夷卽位子翁子不揚子無彊子玉子

福建通紀周秦漢

一

通志

尊子親共歷八王積二百二十四年親衆皆失而去琅邪徙於吳矣尊親失琅邪爲楚所滅與世家不合與紀年於越遷吳在周安王三十二年亦不合今不從

秦

閩越王無諸及越東海王搖者其先皆句踐之後姓騶氏秦已并天下皆廢爲君長以其地爲閩中郡及諸侯畔秦無諸搖率越歸鄱陽令吳芮從諸侯滅秦項籍王命弗王以故不附楚漢擊籍無諸搖率越人佐漢

史記東越

漢列傳

高祖五年詔曰故粵王無諸世奉粵祀秦侵奪其地使其社稷不得血食諸侯伐秦無諸身率閩中兵以佐滅秦項羽廢而弗立今以爲閩粵王王

閩中地都東冶

東越列傳漢書高帝紀

惠帝三年五月舉高帝時越功曰閩君搖功多立爲東海王都東甌

東越列傳

高后八年高后崩南越王趙佗以兵威邊財物賂遺閩越西甌賂役屬焉

史記南越尉佗列傳

文帝六年淮南厲王令人使閩越匈奴事覺治之

史記淮南衡山列傳

景帝三年吳王濞反欲從閩越閩越未肯行獨東甌從吳及吳破東甌受漢購殺吳王丹徒以故得不誅吳王太子駒亡走閩越怨東甌殺其父常勸閩越擊東甌

東越列傳

武帝建元三年閩越發兵圍東甌東甌食盡且降使人告急天子天子問太尉田蚡蚡曰越人相攻擊固其常不足以煩中國自秦時棄弗屬中大夫莊助詰蚡曰特患力弗能救誠能何故棄之且秦舉咸陽而棄之何乃越也乃遣莊助以節發兵會稽浮海救東甌未至閩越引兵去

上全

六年閩越擊南越南越守天子約不敢擅發兵擊而以聞上遣大行王恢出豫章大農韓安國出會稽皆爲將軍誅閩越淮南王安上書諫畧曰越方外之地劓髮文身之民也自三代之盛胡越不與正朔以爲不居之地

福建通紀

漢

二

不牧之民不足以煩中國也自漢初定以來七十二年吳越人相攻擊者不可勝數天子未嘗舉兵而入其地也臣聞越非有城郭邑里也處谿谷之間篁竹之中習於水門便於用舟地深昧而多水險中國之人不知其勢阻而入其地雖百不當其一得其地不可郡縣也攻之不可暴取也以地圖察其山川要塞相去不過寸數而閒獨數百千里阻險林叢弗能盡著視之若易行之甚難今發兵行數千里資衣糧入越地輿輜而隄領柁舟而入水行數百千里夾以深林叢竹水道上下擊石林中多蝮蛇猛獸夏月暑時歐泄霍亂之病相隨屬也曾未施兵接刃死傷者必衆矣不習南方地形者多以越爲人衆兵強能難邊城淮南全國之時多爲邊吏臣竊聞之與中國異限以高山人迹所絕車道不通其入中國必下領水領水之山峭峻漂石破舟不可以大船載食糧下也越人欲爲變必先田餘千界中積糧迺入伐材治船邊城守候誠謹越人有入伐材者輒收捕焚其積聚雖百越奈邊城何且越人縣力薄材不能陸戰又無車騎弓弩之

用然而不可入者以保地險而中國之人不能其水土也臣聞越甲卒不下數十萬所以入之五倍迺足南方暑濕近夏瘴熱暴露水居蝮蛇蠱生疾癘多作兵未血刃而病死者什二三臣聞道路言閩越王弟甲弑而殺之甲以誅死其民未有所屬陛下若欲來內處之中國使重臣臨存施德垂賞以招致之此必携幼扶老以歸聖德若無所用之則繼其絕世建其王侯此必世共貢職今以兵入其地此必震怒以爲欲屠滅之也必雉兕逃入山林險阻背而去之則復相羣聚留而守之歷歲經年則士卒罷勦食糧乏絕臣聞長老言秦之時嘗使尉屠睢擊越又使監祿鑿渠通道越人逃入深山林叢不可得攻留軍屯守空地曠日持久士卒勞倦越乃出擊之秦兵大破如使越人蒙死徼幸以逆執事之顏行廝輿之卒有一不備而歸者臣竊爲大漢羞之是時漢兵遂出未踰領

案史記以爲未踰領漢書又以爲踰領

閩越王郢發兵距險其弟餘善乃與宗族謀曰漢兵衆彊今卽幸勝之後來益多終滅國而止今殺王以謝天子天子聽罷兵固一國完不聽乃力

福建通紀

漢

三

通志一

戰不勝卽亡入海皆曰善卽縱殺王奉其頭致大行天子詔兩將罷兵曰郢等首惡獨無諸孫繇君丑不與謀乃立丑爲越繇王奉先祭祀餘善威行於國竊自立爲王繇王不能制天子曰餘善首誅郢師得不勞因立爲

東越王與繇王並處

東越列傳漢書嚴助傳兩粵傳

案嚴助傳又云閩越王殺其骨肉離其親戚又數舉兵侵陵百越并兼鄰國入燔尋陽樓船欲招會稽之地以踐句踐之迹今者邊又言率兩國擊南越以八月舉兵於冶南士卒罷倦三王之衆相與攻之以上東越列傳所未詳

元鼎五年南越反餘善上書請以卒八千人從樓船將軍擊呂嘉等兵至揭陽以海風波爲解不行持兩端陰使南越及漢破番禺不至是時樓船將軍楊僕上書願便引兵擊東越上曰士卒勞倦令屯豫章梅嶺待命六年秋餘善聞樓船請誅之漢兵臨境遂反發兵距漢道號將軍驕力等爲吞漢將軍入白沙武林梅嶺殺漢三校尉刻武帝璽自立詐其民爲妄

言天子遣橫海將軍韓說出句章浮海從東方往樓船將軍楊僕出武林中尉王溫舒出梅嶺越侯爲戈船下瀨將軍出若邪白沙

以上東越列傳

東越數反覆中大夫朱買臣因言故東越王君保泉山一人守險千人不得上今聞東越王更徙處南行去泉山五百里居大澤中今發兵浮海直指泉山陳舟列兵席卷南行可破滅也上拜買臣會稽太守到郡治樓船備糧食水戰具居歲餘買臣受詔將兵與橫海將軍韓說等俱擊破東越

漢書朱買臣傳

元封元年冬咸入東越東越素發兵距險使徇北將軍守武林敗樓船軍數校尉殺長吏樓船將軍率

漢書作樓船軍卒未是

錢塘轅終古斬徇北將軍爲禦

兒侯自兵未往故越衍侯吳陽前在漢漢使歸諭餘善弗聽橫海將軍至吳陽以其邑七百人反攻越軍於漢陽從建成侯敖與繇王居股謀俱殺餘善以其衆降橫海將軍封繇王居股爲東成侯萬戶敖爲開陵侯吳陽爲北石侯橫海將軍爲按道侯東越將多軍

案多姓漢兵至棄軍降封爲

福建通紀

漢

東漢

四

通志一

無錫侯於是天子曰東越陬多阻閭越悍數反覆詔軍吏皆將其民徙處江淮間東越地虛後有逃遁山谷者頗出爲立治縣置會稽東部都尉以

屬之

東越列傳兩粵傳宋書州郡志三山志

案史記吳王濞傳吳王下令國中曰南使閩越東越東越亦發兵從稱東甌爲東越似東越專屬東甌與福建無與也者不知史記閩越東越統稱東越列傳封餘善爲東越王時明云與繇王並處擊東越後明云東越狹閩越悍皆徙其民下統云東越地遂虛是東越閩越固一而二二而一也又案三山志誤州郡志爲立二字作立爲因誤改屬會稽爲以會稽禁備之太平御覽引臨海記云立都尉府於侯官以鎮撫二越所謂東南一尉者是也

東漢

章帝建初八年舊交趾七郡貢獻轉運皆從東冶汎海而至風波艱阻沈溺相係弘奏開零陵桂陽嶠道自是夷通遂爲常路

後漢書鄭弘傳

章和元年立故冶閩越地爲章安縣

後漢書郡國志引晉元康記

案郡國志以章安爲光武更名然章安取義於章和紀年當非光武時事

順帝陽嘉元年二月海賊曾旌等寇會稽詔緣海縣各屯兵戍

後漢書順帝紀

永和三年以章安縣東甌鄉爲永寧縣

郡國志

獻帝建安元年王朗爲會稽太守孫策引兵渡浙江朗功曹虞翻勸朗避策朗不用拒戰敗績策自領會稽太守朗亡走浮海翻追隨營護至東部侯官侯官長商升閉城不受翻往說然後見納策遣永寧長韓晏領南部都尉將兵討升以賀齊爲永寧長晏爲升所敗齊又代晏領都尉事升畏齊威名乞降張雅詹疆等不願升降反共殺升雅稱無上將軍疆稱會稽太守齊一戰大破之侯官平

三國志王朗傳孫策傳虞翻傳賀齊傳

案三國志注引獻帝春秋言策率軍如閩越討朗朗浮海欲走交州爲兵所逼遂詣軍降孫策傳又言策屠東冶然據賀齊傳至侯官戰勝者

福建通紀東漢 吳

五

通志一

齊受降者齊策特遣之耳何曾屠東冶哉

五年曹操表孫權爲討虜將軍領會稽太守

三國志孫權傳

八年建安漢興南平復亂賀齊進兵建安立都尉府郡發屬縣五千兵各使本縣長將之受齊節度進討洪明洪進等賊連大破之臨陣斬明餘皆

降賀齊

傳

十五年會稽東冶五縣賊呂合秦狼等爲亂孫權以呂岱爲督軍校尉與將軍蔣欽等將兵討之遂禽合狼五縣平定岱拜昭信中郎將欽徙討越

中郎將

三國志呂岱傳蔣欽傳

吳

大帝嘉禾四年廬陵賊李桓路合會稽東冶賊隨春南海賊羅厲等一時並起權詔呂岱督劉纂唐咨等分部討擊春卽時首降岱拜春偏將軍使領其衆遂爲列將桓厲等皆見斬獲

呂岱傳

太平二年八月會稽南部反殺都尉鄱陽新都山民作亂鍾離牧爲監軍

使者與廷尉丁密步兵校尉鄭曹率軍討平之三國志孫亮傳鍾離牧傳

三年九月大將軍孫琳黜亮為會稽王孫亮傳

景帝永安三年秋會稽郡謠言王亮當還為天子黜亮為侯官侯遣之國

道自殺三國志孫休傳

以會稽南郡為建安郡全

置曲邠都尉於建安王謫徙之人作船於此元和郡縣志

案宋書州郡志作典船校尉曲邠當典船之譌

歸命侯甘露元年三月孫皓遣使隨徐紹孫或報魏書紹行至濡須召還

殺之徙其家屬建安紹或由吳降魏銜魏命齎書申喻皓紹獨美魏國故

也三國志孫皓傳

案注引吳錄皓以諸父與孫和連及者家屬皆徙東冶

建衡元年十一月遣監軍虞汜威南將軍薛珣蒼梧太守陶璜由荊州監

軍李勗督軍徐存徙建安海道皆就合浦擊交阯孫皓傳

福建通紀吳晉

六

通志一

陸凱卒凱數犯顏忤旨加何定譖構非一後竟徙凱家於建安三國志陸凱傳

二年春李勗以建安道不通利殺導將馮裴引軍還孫皓傳

三年會稽妖言章安侯奮當為天子臨海太守奚熙與會稽太守郭誕書

非論國政誕但白熙書不白妖言送付建安作船全上案張尙亦送建安作船見三國志張紘傳

晉

武帝太康三年分建安立晉安郡統縣八隸揚州晉書地理志三山志

始以侯官為晉安郡嚴高為守三山志

立原豐令省建安典船校尉宋書州郡志

四年以溫麻船屯立溫麻令全上

六年正月以尙書褚契都督揚州諸軍事晉書武帝紀

八年五月建安地震晉書五行志

十年十二月廬江建安雷電大雨全上

惠帝元康元年七月有司奏荆揚二州疆土廣遠統理尤難於是割揚州

之豫章鄱陽廬陵臨川南康建安晉安荊州之武昌桂陽安成合十郡因江水之名而置江州

晉書地理志

王彬爲鎮軍賊曹參軍轉典軍參軍愍帝召爲尚書郎以道險不就遷建

安太守

晉書王彬傳

懷帝永嘉中以華軼爲江州刺史

晉書華軼傳

元帝永昌元年王敦舉兵反詔陶侃以本官領江州刺史

晉書陶侃傳

明帝太寧二年十月以應詹爲平南將軍都督江州諸軍事江州刺史

晉書

明帝紀

成帝咸和元年七月使持節都督江州諸軍事江州刺史應詹卒

晉書成帝紀

八月以給事中前將軍丹陽尹溫嶠爲平南將軍假節都督江州刺史

上全

咸和初南頓王宗反使趙胤討誅之貶其族爲馬氏徙妻子於晉安

晉書南頓

王宗傳

四年十二月右將軍郭默害平南將軍江州刺史劉胤

成帝紀

福建通紀

晉

七

通志一

陶侃上表討默侃至默將宗侯縛默詣侃降詔侃都督江州領刺史

陶侃傳

咸康八年八月以江州刺史王允之爲衛將軍

晉書康帝紀

康帝建元元年十月以車騎將軍庾永都督荆江司雍益梁六州諸軍事

上全

二年庾永薨以謝尚督豫州四郡領江州刺史

晉書謝尚傳

穆帝永和元年七月持節都督江荆司梁雍益寧七州諸軍事江州刺史

庾翼卒

晉書穆帝紀

哀帝隆和三年二月以荊州刺史桓冲監江州荊州之江夏隨郡豫州之

汝南西陽新蔡潁川六郡諸軍事南中郎將江州刺史

晉書哀帝紀

孝武帝寧康元年七月以江州刺史桓冲爲中軍將軍都督揚豫江三州

諸軍事揚州刺史

晉書孝武帝紀

太元四年九月盜殺建安太守傅湛

上全

安帝元興元年正月孫恩死盧循自稱征虜將軍領其餘衆略有永嘉晉

安之地宋書天
文志

二年八月盧循攻永嘉劉裕討循至晉安循窘急汎海到番禺寇廣州初張茂度出補晉安太守盧循爲寇覆沒江州茂度與建安太守孫蚪之並受其符書供其調役循走俱坐免官晉書盧循傳宋
書張茂度傳

元興初朝廷將討桓玄以劉牢之爲前鋒都督征西將軍領江州事晉書
劉牢之傳

義熙八年先是盧循南走孟懷玉與衆軍追至嶺表循平遷懷玉爲江州刺史宋書孟
懷玉傳

義熙中以庾悅爲江州刺史晉書庾
義傳

十二年遷檀韶督江州軍事江州刺史宋書檀
韶傳

十四年遷王弘監江州太祖卽位以定策安社稷封建安郡公食邑千戶宋書王
弘傳

十八年遷庾登之爲江州刺史疾篤徵爲中護軍宋書庾
登之傳

福建通紀晉 宋 八 通志一

宋武帝永初元年以佐命功改封劉粹爲建安縣侯宋書劉
粹傳

文帝元嘉元年建安郡山賊百餘人破郡治抄掠百姓資產子女遂入佛圖搜劫財寶入一室忽有蜜蜂數萬頭同時噬螫羣賊身百腫痛眼皆盲合先諸所掠皆棄而去搜神
記

三年正月傅亮誅子都徙建安郡宋書傅
亮傳

二月建安太守潘城有罪伏誅宋書文
帝紀

十三年以南郡王義宣爲江州刺史宋書南
郡王傳

十六年四月以臨川王道規子義慶爲江州刺史宋書臨
川王傳

十七年十月以大將軍領司徒錄尙書事彭城王義康爲江州刺史南史
宋文

十八年二月以豫章太守庾登之爲江州刺史宋書文
帝紀

二十年正月以廬陵王紹爲江州刺史上

二十三年八月揭陽赭賊攻建安郡燔燒城府沈劭之討之病卒於軍又沈慶之傳

二十六年七月以中護軍建平王宏爲江州刺史文帝紀

二十八年以武陵王駿爲都督江州刺史南史宋孝武帝紀

二十九年二月立第十二皇子休仁爲建安王宋書文帝紀

三十年以雍州刺史臧質爲江州刺史宋書孝武帝紀

孝武帝孝建元年魯爽反柳元景克捷封晉安郡公宋書柳元景傳

三月以安北將軍蕭思話爲安南將軍江州刺史宋書孝武帝紀

十月以東海王禕爲撫軍將軍江州刺史上

大明元年以晉王昶爲江州刺史宋書晉王昶傳

三年分浙江西立王畿以浙江東爲揚州命豫章王子尚都督揚州江州

之鄱陽晉建安三郡諸軍事揚州刺史宋書豫章王傳

七月以桂陽王休範爲江州刺史宋書孝武帝紀

福建通紀宋

九

通志一

四年正月庚寅立第三皇子子勛爲晉安王上

七年正月以南兖州刺史晉安王子勛爲江州刺史上

八年正月以建安王休仁爲安南將軍江州刺史上

秋七月鎮軍將軍雍州刺史晉安王子勛改爲江州刺史宋書前廢帝紀

廢帝永光元年湘東王彧出爲使持節散騎常侍都督南豫豫司江四州

揚州之宣城諸軍事宋書明帝紀

明帝泰始元年正月以驃騎將軍前荊州刺史山陽王休祐改江州刺史

上

以巴陵王休若督晉安闕二二郡諸軍事宋書巴陵王傳

二年正月以領軍將軍王玄謨爲車騎將軍江州刺史明帝紀

以中軍將軍王景文爲安南將軍江州刺史明帝紀

鄧琬等奉晉安王子勛爲帝僞位尋陽長沙王道憐之孫瞻爲晉安太守

據郡同逆建安內史趙道生起義討之聚徒未合巴陵王休若遣沈思仁

討瞻七月斬之於羅江縣八月建安王休仁率眾軍大破琬兵子勛等並賜死諸將隨征赭圻有功者沈懷明封建安郡吳興縣周盤龍晉安郡晉安縣李安民建安郡邵武縣并開國子楊覆以貴口有功封綏城縣男

鄧琬傳晉安王傳長沙王傳明帝紀孔凱傳沈慶之傳齊書周盤龍傳

四年改晉安郡爲晉平郡山陽王休祐改封晉平王子宣彥封原豐縣侯休祐死十三子並徙晉平郡太宗病見休祐爲祟乃遣中書舍人劉休至

晉平撫慰宣翊等

宋書晉平刺王傳

追封殷孝祖爲建安縣侯

宋書殷孝祖傳

十月發諸州兵北討南康建安安成宣城四郡昔不同南逆並不在徵發

之例

宋書明帝紀

六年六月鎮軍將軍揚州刺史桂陽王休範爲征南大將軍江州刺史

七年六月征北大將軍巴陵王休若爲車騎大將軍江州刺史

七年六月征北大將軍巴陵王休若爲車騎大將軍江州刺史

七年六月征北大將軍巴陵王休若爲車騎大將軍江州刺史

七月江州刺史巴陵王休若薨桂陽王休範還爲江州刺史

上全

福建通紀

宋齊

後廢帝元徽元年以虞愿爲晉平太守

齊書虞愿傳

以王秀之爲晉平太守

齊書王秀之傳

黜江淹爲建安吳興令

梁書江淹傳

二年五月以第七皇弟友爲江州刺史

宋書後廢帝紀

順帝昇明二年正月以左衛將軍齊王世子爲江州刺史

宋書順帝紀

八月以領軍蕭嶷爲江州刺史

上全

三年正月以尙書左僕射王延之爲安南將軍江州刺史

上全

齊

高帝建元元年齊主受禪羅江縣男曹虎啟乞改封侯官尙書奏侯官戶

數殷廣乃改封監利縣

齊書曹虎傳

四年安成王勗出爲江州刺史

齊書安成王傳

六月封江陵公子懋爲晉安王皇子子眞爲建安王

齊書武帝紀

武帝永明二年三月徙王奐爲江州刺史初省江州軍事

齊書王奐傳武帝紀

齊書王奐傳武帝紀

齊書王奐傳武帝紀

齊書王奐傳武帝紀

齊書王奐傳武帝紀

四年以隨郡王子隆為江州刺史武帝紀

以衡陽王子鈞為江州刺史齊書衡陽元王傳

六年十月以武陵王暉為江州刺史齊書魚復侯傳

七年轉丹陽尹王晏為江州刺史固辭不願出外齊書王晏傳

三月以巴東王子響為江州刺史齊書武帝紀

八年正月以鄱陽王鏘為江州刺史上全

十一年正月以陳顯達為江州刺史上全

鬱林王隆昌元年正月以征北大將軍晉安王子懋為江州刺史齊書鬱林王紀

明帝輔政起蕭衍預定策勲封建陽縣男梁書武帝紀

案南史梁武帝紀以為建武二年事

明帝建武元年十一月立皇子寶義為晉安王寶寅為建安王齊書明帝紀

有詔舉士始安王遙光表薦前侯官令王僧孺梁書王僧孺傳

二年有大鳥集建安形如水獺子其年大水南齊書五行志

福建通紀齊梁 十一 通志一

三年以北中郎將建安王寶寅為江州刺史明帝紀

永泰元年七月以太尉陳顯達為江州刺史上全

東昏侯永元三年二月以冠軍長史王茂先為江州刺史齊書和帝紀

八月義師下次江州遣劉譏之為建安郡江倩為建安內史方視事朞月

帥吏民據郡拒之梁書本傳

和帝中興元年封蕭衍建安郡公上全

梁

武帝天監元年封弟雍州刺史偉建安郡王梁書武帝紀

以范縝為晉安太守梁書范縝傳

五年正月立皇子綱為晉安郡王武帝紀

十七年以建安土瘠改封建安王偉為南平郡王梁書南平王偉傳

天監中置南安郡三山志

普通六年以晉安建安南安三郡屬東揚州上全

案據梁書武帝紀分揚州江州置東揚州在前一年

太同八年封南康王績第六子乂理為建安縣侯梁書南康王傳

簡文帝大寶元年封皇子大球為建安郡王梁書簡文帝紀

二年八月侯景廢帝為晉安王全上又侯景傳

元帝承聖元年立皇子方智為晉安郡王梁書元帝紀

二年晉安郡王方智出為江州刺史南史梁敬帝紀

封蕭基為長樂侯太平御覽引福州圖經

敬帝紹泰元年封貞陽侯淵明為建安郡公梁書敬帝紀

授陳寶應壯武將軍晉安太守尋加員外散騎常侍寶應侯官人世為閩

中豪姓父羽有材幹為郡雄豪寶應性反覆多變詐梁代晉安數反累殺

郡將羽初並扇惑合成其事後復為官鄉導破之由是一郡兵權由已出

侯景之亂晉安太守寶化侯蕭雲以郡讓羽羽老但治郡事令寶應典兵

時東境飢饉而晉安獨豐寶應自海道寇臨安永嘉會稽餘姚諸暨又載

福建通紀梁陳

十三

通志一

米粟與之貿易由是大致貨產士眾彊盛侯景平元帝因以羽為晉安太

守及陳霸先輔政羽求傳位於寶應霸先許之陳書陳寶應傳

太平二年加陳霸先爵為王以揚州之會稽臨海永嘉建安等益其封陳書

高祖紀

陳武帝永定元年令給事黃門侍郎蕭乾招諭閩中時周廸在臨川留異在

東陽陳寶應在建晉共相連結閩中豪帥往往立砦自保乾至曉以逆順

渠帥皆率眾歛附即以乾為建安太守陳書蕭乾傳

永定初升晉安郡為閩州領晉安建安南安三郡始為刺史治所三山志

二年封寶應侯官縣侯時東西嶺道寇賊擁隔寶應自海道趨會稽貢獻

陳寶應傳

文帝天嘉元年徐度出為使持節都督會稽晉安建安等九郡軍事未行

侯瑱卒於湘州以度代之陳書徐度傳

二年除王質晉安太守

陳書王質傳

陳慧紀以功除持節通直散騎常侍宣遠將軍豐州刺史

陳書陳慧紀傳

留異反陳寶應助之又資周迪兵糧出寇臨安

陳書蕭乾傳

三年授安成王頊使持節都督揚南徐東揚南豫北江五州諸軍事

陳書高宗紀

三月司空侯安都破留異於桃支嶺異脫身奔晉安陳寶應納之

陳書世祖紀

六月以會稽東揚臨海永嘉新安新甯晉安建安八郡置東揚州以揚州刺史始興王伯茂爲鎮東將軍東揚州刺史

全上

案三山志謂天嘉六年始罷閩州還屬東揚與此異

天嘉初以孔奐爲揚東揚二州大中正

陳書孔奐傳

四年正月周廸眾潰妻子悉擒乃脫身踰嶺走閩州刺史陳寶應納之

陳書

周迪傳世祖紀

十二月詔章昭達都督眾軍由建安南道渡嶺以討陳寶應又命益州刺

福建通紀

陳

三

通志一

史余孝頃督會稽東陽諸軍自東海會之

世祖紀陳寶應傳

詔陸子隆隨章昭達踰嶺討陳寶應軍至建安以子隆監郡

陳書陸子隆傳

五年十一月章昭達破陳寶應於建安擒寶應留異送建康斬於市初世

祖嗣位進寶應號宣毅將軍又加其父光祿大夫仍命宗正錄其本系編

爲宗室及寶應結婚留異潜有逆謀其客餘姚虞寄每陳逆順之理以諷

諫寶應嘗使人誦漢書卧而聽之至蒯通說韓信曰相君之背貴不可言

蹶然起坐曰可謂智士寄曰覆酈驕韓未足稱智豈若班彪王命識所歸

乎及留異稱兵寶應資其部曲寄乃以書極諫曰自天厭梁德英雄互起

人人自以爲得之然夷凶剪亂四海樂推者陳氏也豈非歷數有在惟天

所授乎一也以王琳之疆侯瑱之力進足以搖蕩中原爭衡天下退足以

屈強江外雄張偏隅然或命一旅之師或資一士之說琳則瓦解冰泮投

身異城瑱則厥角稽顙委命闕庭斯又天假之威而除其患二也今將軍

以藩戚之重東南之眾盡忠奉上戮力勤王豈不勲高寶融寵過吳芮析

珪判野南面稱孤乎三也聖朝棄瑕忘過寬厚得人至於余孝頃潘純陀李孝欽歐陽顥等悉委以心腹任以爪牙胷中豁然曾無纖芥況將軍覺非張繡罪異畢諶當何慮於危亡何失於富貴四也方今周齊鄰睦境外無虞并兵一向匪朝伊夕非劉項競逐之機楚趙連從之勢何得雍容高拱坐論西伯五也且留將軍狼顧一隅亟經摧衄聲實虧喪膽氣衰沮其將帥首鼠兩端唯利是視孰能被堅執銳長驅深入繫馬埋輪奮不顧命以先士卒者乎六也將軍之彊孰如侯景將軍之衆孰如王琳武皇滅侯景於前今上摧王琳於後此乃天時非復人力且兵革已後民皆厭亂其孰能弃墳墓捐妻子出萬死不顧之計從將軍於白刃之間乎七也歷觀前古子陽季孟顛覆相尋餘善右渠危亡繼及天命可畏山川難恃況將軍欲以數郡之地當天下之兵以諸侯之資拒天子之命強弱逆順可得侔乎八也且非我族類其心必異不愛其親豈能及物留將軍身縻國爵子尚王姬猶且弃天屬而不顧背明君而孤立危急之日豈能同憂共患

福建通紀陳

古

通志一

不背將軍者乎至於師老力屈懼誅利賞必有韓智晉陽之謀張陳井陘之勢九也北軍萬里遠鬪鋒不可當將軍自戰其地人多顧後衆寡不敵將帥不侔師以無名而出事以無機而動以此稱兵未知其利十也爲將軍計莫若絕親留氏釋甲偃兵一遵詔旨方今藩維尙少皇子幼冲凡豫宗族皆蒙寵樹況以將軍之地將軍之才將軍之名將軍之勢而克修藩服北面稱臣甯與劉澤同年而語其功業哉寄感恩懷德不覺狂言斧鉞之誅其甘如薺寶應覽書大怒及討寶應尙書下符告晉安士庶寶應據建安之湖際逆拒王師水陸爲柵昭達踰東興嶺深溝高壘不與戰但命軍士伐木爲籬俄而水盛乘流放之突其水柵仍水步薄之寶應衆潰身奔夜至莆口山草間窘而就執晉安平

世祖紀陳書虞寄傳

十二月曲赦建安晉安二郡討陳寶應將士死事者給棺送還本鄉

世祖紀

六年三月詔侯景以來遭亂移在建安晉安義安郡者并許還本土

上全

八月立皇子伯恭爲晉安王

全上